

思遊以之

胡隱遠

胡隱遠者洞庭山道士也自云角里先生之孫其山有月里村角里廟累世多得道隱遠居焦山學太陰煉形之法死於巖中囑弟子曰常視吾體無令物犯六年後若再生當復我以衣冠弟子視之肌體爛壞惟五臟不變乃復閉護及期果再生遂備湯沐浴加新衣其髮鬆而黑其髯粗而直後十六年如前死更七年復生如此凡三度約八十歲狀貌如三十許人隋煬帝聞之召見恩禮隆異唐貞觀中太宗詔入內殿問攝生之道對曰臣所修者匹夫之志功不及物帝王修道一言之利萬國蒙福得道之効尤速臣區區之學非九重萬乘之所修也請歸山後不知所之

劉道合

劉道合者一名愛道陳宛丘人也幼懷隱逸志住壽春安陽山隋末遷蘇山從仙堂觀道士孟詵傳道復入霍山春分日啓誓文於谷中返數里聞雷電而雨遂止於巖是名愛有

人召覺則恍然有光見一神人身長丈餘衣冠劍佩持符從介甲士六七人謂道合曰吾為黃神大威使者今六夫醜類賊害民物聞子好道志節不屈可制魔群吾以三天正一盟威攝召符契授于道合受而吞之自是道法所施無不驗唐高祖武德中入嵩山與潘師正同居高宗聞之降詔於所隱立太一觀使居之時將封泰山雨不止帝使道合禳呪俄霽得寵賜輒散貧乏洛邑苦飛蝗道合以符示官吏俾散貼境內則立消唐高宗威乎中上召作符既成未克進忽料簡書汲汲然似有行意弟子問之則曰廬山司命君召吾有頃沐浴具冠褐而化調露中創奉天宮還道合墓發棺見骸骨拆若蟬蛻者一云亦有蟬蛻者帝聞之曰為我合丹而乃自服去耶

歷世真仙體道通鑑卷之二十九

歷世真仙體道通鑑卷之三十

漢

梁誌

道士梁誌者字成京兆扶風人也博通經史雖陰陽占候之術靡不精究外聲利薄滋味唯以安閑自適一日相者見之且曰此子目流白光貌集真氣非常人也後果樂神仙道大魏元帝咸熙初事鄭法師於樓觀時年十七仁不勝生和不好勝人皆樂之常夢與仙人遊或登山或酌石髓由是自有所娛至晉惠帝永興二年乙丑五月五日老君命真人尹軌降于樓觀乃查弟子禮事之踰月遂授煉氣隱形之法次授水石還丹術卒授六甲符及朱服日月黃華法後隱於終南山食燕吞符大盡其妙又廣索丹砂還而為餌凡辭氣之出則音韻清徹自是欽奉者多乃深入巖谷雷阻大雪鳥獸俱斃而誌獨守寂其志堅篤故靈真自集目能視地中物耳能聽數里聲一日忽謂門人曰有朋友待吾於南峰今須往矣乃冠服而出則雲氣迷統不

見其形惟聞鼓吹之音隱隱於空時元帝大興元年戊寅歲混元寶錄云能飛行變化三年丹成白日昇天

### 孫微

道士孫微者字仲宣不知何許人即尹通之籍師也性端直寡言語外視若愚而中養素人莫能測之前趙初光中師事王先生方十八歲先生與之出處人皆呼先生為大煉師微為小煉師先生為時所望請訪益多而遂隱遁惟微住樓觀或宿於木杪與人迹罕及之地居常編葛為席合目端坐若有所思人或侮之謙以自牧故皆歉然自失而退每觀人顏色不待人語言而已知人吉凶年七十餘秦建元八年春忽謂侍者曰吾須暫行乃拂水而去終莫知其所適其友馬儉思之乃取葛席置靜室中供養凡數日輒聞席上有人語其靈異如此

臣道一曰孫微疎絕塵俗樂道養真人或慢之謙以自牧故人皆自為之歉然矣道德經曰夫惟不爭故天下莫能與之爭又

曰聖人之道為而不爭孫微之謂矣

### 馬儉

法師馬儉字元約京兆右扶風人尹通之度師也年十六歲長八尺耳大而厚垂手過膝額有伏犀手有縱理損聲色外名利博通經史尤長於風騷郡邑異之有辟命不就秦甘靈中隸道士籍於樓觀從孫微學道時十七歲遂授以道要其經史之贖則五符真文三皇內文道德靈寶兼經道甲占候之法其藥術之妙則斷穀服水餌兼膏天門煎木煎商陸酒五方雲牙六甲符諸天內音行氣導引之方其役使萬靈制御群邪則有八吏六丁二十四神三皇衆要之科無施不驗姚長聞而奇之遣使往召辭以疾甚嘉其節乃給香燭欵尚加厚儉志道益堅仁惠周物人所奔湊日以滋多一日天神降而言曰法師風有功德今復勤修道業丹名玉屑白簡玄臺積有日矣但保其天年必得度世何區區於祈禱役役於召勅者哉自可優游三素混合五神絕諸聞見獨保清曠由是怡神養素不復

出而仙真時降年九十八後魏太武帝大延五年冬十月一日謂弟子尹通曰吾平生所修所感當秘之勿泄也頃有白雲從西北來覆寢室須臾返真惟聞香氣不絕而白雲南舉焉

### 尹通

道士尹通者字靈鑒真人執之後也幼從儒學群經子史博無不覽常嗟幻化非固每仰天而歎父母未之達迫以婚宦通乃跪伏曰切聞張真昇天鎮南嗣美茅君得道太守投誠況高祖太極真人之遺德可無隆紹願從所志父母許之遂飄然而去時天下寇難縱橫通履艱危冒驚險而至樓觀年二十六後魏太武帝始光初事馬儉法師服勤歷年方授真人秘韞玉字金書及恃怙已失孝禮既盡而希真守一之心與日俱往香火朝謁無或少息服黃精雄黃天門冬數十年體漸清爽性亦敏慧尤急於療疾可愈者治之言不可者決不可救太武好道欵聞其名常遣使致香燭伴之建齋行道自是四方請謁不絕而

通惟以功德為懷與而無求散而無積時有  
 姪法興及牛文侯王道義與其徒七人繼踵  
 而來共希靈迹故仙風真教自此復彰年一  
 百一歲耳聰目明尤能夜書至孝文太和二  
 十三年承明二年改太和夏四月八日忽與  
 門弟子為終天之別有頃奄忽而化顏色如  
 常藏劍之久老子昇真陟之西有神燈數放  
 光映其上而後漸散

牛文侯

道士牛文侯隴西人也性識穎拔學洞古今  
 尤深於莊老至於天文地理無微不綜又善  
 誨人隨其性導以忠孝其勸戒則示罪福之  
 理其威禁則以符籙之科由是法教重與人  
 多化惡為善嘗為人講說未始措意於利財  
 至于不得已則受小而辭大訪人貧乏密遣  
 致物於其家欲人不知其所從來也每冬寒  
 則布穀於地使禽蟲有所食陰功密惠大以  
 及於人小以及於物修身積德久而愈篤西  
 魏文帝大統五年八月二十八日夢青衣道  
 童告云上帝有命宜早治裝明旦當發反覺

乃與門人別翌日沐浴訖果化降年八十二

王道義

道士王道義者魏時人博覽群書兼明緯候  
 知終南有尹喜登真之所後魏孝文帝太和  
 中自姑射山將門弟子六七人來居之初道  
 士牛文侯尹靈鑿等四十餘人教弘道化朝  
 野欽奉時歲數常住之資殆不克給道義大  
 修觀宇與土木工丁匠就役日常百數而用  
 度不乏人訝而窺之則倉庫皆備取多而益  
 不窮咸知師之神化陰有靈助由是樓殿壇  
 宇一皆鼎新惟秦始皇所造老子殿以其宏  
 麗不加修飾令門人購集真經萬餘卷皆自  
 捐己力未始求於人其性浩然無係累室中  
 常有人語弟子輩潛往伺之乃真仙之降會  
 也後魏宣武永平中將及真之際白雲滿室  
 異香盈庭踰日方散里人有見道義乘鹿而  
 去

陳寶熾

正懿先生陳寶熾潁川人也年二十一不樂  
 婚宦後魏孝文帝和十八年隸籍樓觀事法

師王道義未幾羽化遂遊華陰復遇陸景真  
 人授秘法而歸於是端誠虛己依按修持及  
 誦大洞經久之通感故珍禽奇獸常來侍衛  
 每朝老子祠及八節投龍簡則白虎馴遠左  
 右導從往來人或有意惡則咆哮震奮爾觀  
 左之槐使彼惡者驚畏自匿人因號曰老虎  
 木其德感如此通幽達冥無所不至事有未  
 兆則先知其崇妖害人禁之立止西魏文帝  
 欽異之召入延英殿問道時太師安定公及  
 朝士大夫皆從而師之年七十有六大統十  
 五年三月十七日告門人曰吾昨夢仙官召  
 不果久留來何為欣去何為愴生死道一夢  
 覺理均爾等體之無或悲矣言訖奄忽而化  
 詔謚正懿先生

王延

道士王延字子元扶風人也纔九歲好道西  
 魏孝文帝大統三年丁巳入道師正懿先生  
 陳寶熾至十八肄業於樓觀與真人李順興  
 相交善未幾訪華山雲臺觀復師焦曠真人  
 授三洞秘訣真經惟松餐澗飲以希真理後

周武帝欽聞乃遣使召之。焦真人謂曰：道教陵夷久矣，拯援可應。詔出弘大道教。吾自此逝矣。至都久之得請還西嶽雲臺觀，復詔增修以居之。然山石無土，致之極勞。因虛默禱于天，忽涌土出於觀側，取多而不竭。嘗苦乏油，乃置一器，經夕自滿。久用而有餘。凡賓客將至，則先有二青鳥，其狀如鳥，飛鳴報之。每登仙掌陟蓮峰，如履平地。居常出處，有猛虎馴遶，若相保衛。是時天下溺於浮屠氏，且其徒不能維持禪律之學，務以罪福駭俗。其弊浸盛，故行沙汰道教，亦從而幾絕。時師之名獨為上所欽，召至闕，咨問道要，復欲建通道觀，命校讐三洞經法科儀戒律，飛符錄凡八十餘卷。又撰三洞珠囊七卷，詔頒於通道觀。由是道教復興，朝廷以大象紀號。至隋文帝禪位置玄都觀，詔延主之。開皇六年丙午，特召見於大興殿，上齋誠受智慧大戒。於是祥風景雲羅覆壇，所因職以道門威儀威儀之名。自茲始矣。時公卿大夫翕然欽附，仁壽四年春三月吉日，告門人曰：吾欲歸西嶽，但恐

上未許，至九日羽化於仙都觀，有白鶴飛鳴徘徊庭戶上，異之。遣使護葬西嶽，及就壙，但空棺而已。

臣道一曰：王延幼年學道，能得明師，扶教立宗，通靈感物。觀武帝詔修雲臺觀，則患勞於致土，默禱于天地，忽湧土出，取多不竭。此積誠動天，夫豈易致哉？道德經曰：天道無親，常與善人。此之謂也。

### 李順興

道士李順興，京兆人。母因夢明星自天而降，遂有娠。及生，有一道士來曰：此子乃前生得道人暫寄胞胎也。纔九歲，好清虛，常端坐，湛然不動。父母諭其意，俾師正懿先生年十一，與道士籍常講大洞經，勤久不息。正懿乃為立壇授五千文及黃庭經，且曰：汝雖高幼，心已合真。考之隱訣，三年誦之，白日昇天。爾且勉之，遂即所居，虔懇修誦，不三年，忽於秋分之夜，有飛仙千數，集空中，神光照室，出望則有二人曰：上帝有命，遣仙官於紫閣巖室中相待。吾直日之神也。以命來，吾遂與乘蹻，

忽爾而至，乃見三仙人，各據一床，有五色雲霞羅覆其上。侍從幢羽，殆不可名。乃稽首請飛昇之道。且曰：子有宿德，位階真人，欲形神同舉，不為難也。但太上命子下生，以積功勳。今子齋心誦經，積有日矣，然功未及人，可速得乎？於是溼慙以告。其勵凡庸，且曰：積功累行，以償前過，未知可乎？仙曰：善哉，是心良可愍也。子雖骨氣合真，而胎形未脫，命侍經仙郎，開九色流霞之輜，出經三卷，置三仙之前。長仙乃手發太上玉真金元經，謂曰：吾是上清真人，趙伯元，昔受是經於東華青童君，學以成真。今付子，宜修之。次仙又出神州七轉七變，備天經，謂曰：吾是上清真人，張仲遠，昔受此經於小有天王，修之得為真人。今授子，宜勉之。三仙乃於二仙之手，中傳取真經，復囑曰：吾是上清真人，李少君，昔奉此經，遂獲昇真。吾與子有緣，故來監度。若依四極，體科行之七年，身得飛騰。七百年中，聽傳三人，無其人，則當封之。名山今所授仙經，真術能精，修不已，則化俗成功，可指日而仙矣。苟無此

道則神不洞察體不清虛寔為八帝之所錄  
 六天之所傾則何足以化俗哉真道盡此子  
 能勤修自當神會從而為頌曰至道本無形  
 因物以為名人能動上學仙道自然成玉帝  
 召赤子金真總黃庭六覺既玄會八難於是  
 冥熙神光七轉虛襟明四清呼吸能萬變俛  
 仰朝百靈混化遊塵路迅轡撫雲旌契我諸  
 賓友與子期蓬瀛已而三仙命駕而去遂復  
 所居歸誦其經按其術年十七道成變化無  
 方應機接物未嘗凝滯正懿知而待之愈厚  
 有疑者密試之以湯又加之火終不云熱使  
 之蹈火赴水不能焚溺時西魏文帝聞其名  
 詔都城凡百餘坊同日作齋皆能赴之上雖  
 知其能分形化影尚疑能近而不能遠復詔  
 岐寧同華四州同日為齋請又能徧赴由是  
 朝野欽信其始人未知之但稱為李煉師又  
 其通感靈變則號曰李聖師年三十八大統  
 六年託疾告終既葬之日有姪過於驪山道  
 中謂曰若天子尚未忘我則於此作吾像以  
 北向居之當為國家辟北方之淫俗也姪還

家方知已化遂以實奏遣使發視則空棺而  
 已乃立祠於沙苑

侯楷

道士侯楷字法先京兆人也年十四力究經  
 典尤精老莊之學趣向孤高不舉婚宦遂就  
 學於正懿先生年十九後魏宣武正始中為  
 道士授玄文秘訣晨夕之奉久而愈勤正懿  
 曰汝雖秉心勵節於道不懈苟非栖隱山林  
 未易有得也楷曰道在方寸何必山林曰吾  
 亦知道無不在然人間修之時亦有得但古  
 來仙者多託巖藪成具之後出而同塵上具  
 亦曰大洞真經不得人間詠之詠之則大魔  
 敗之也又葛仙翁將登真別弟子鄭思遠云  
 何不登名山誦大洞真經一誦而一詠玄音  
 徹太清由是知入山非惟不是可欲抑亦自  
 然與經道相符汝今景慕希夷入山乃其宜  
 也曰入山雖可存真然遠連凡席軍違科律  
 之責耶師嘉其言且曰道非知之難行之難  
 也果能始卒無替道在中矣遠正懿羽化乃  
 卜居於寒谷行三奔術三奔術者乃黃帝三奔術也之術後世遠

以傳述神仙之所課戒侯楷受學於陳寶熾  
 其神仙源流有自來矣未必三奔之術也然  
 奔非三奔必後世作傳之人誤書也 誦大  
 洞經及三皇內文勅召之法其居有清泉環  
 流三松偃覆灑然幽寂是為栖真之所遂號  
 三松觀人有為魘魅之害者無有遠近皆乞  
 救於楷或持之以禁呪或示之以符術則無  
 不立除之將去無他疾謂門弟子曰昔費長  
 房失符為鬼所殺吾非失符也終歸道真苟  
 世俗不達以謂吾為長房者也春秋八十六  
 周武帝建德二年冬十月解化

嚴達

法師嚴達字道通扶風人也自髫髻已有方  
 外志每得一花一果輒為獻於像前樓觀侯  
 法師見而器之後魏明元帝永興中入道年  
 始二十齋真之暇常請問大經遠學窮瓊韞  
 博通妙術周武帝建德中詔法師及王延於  
 便殿是時已沙汰浮屠氏又下議於公卿復  
 欲去道家者流上問法師道與釋孰優曰主  
 優而客劣上曰主客美辨曰釋出西方得非  
 客乎道出中夏得非主乎上曰客既西歸主

無送耶曰客歸則有益胡土主在則無損中華去者不追居者自保又何送乎上嘉其對然不免有所減損自五嶽觀廟外悉廢之特為法師建通道觀於田谷之左復選樓觀之士十人俾共弘真教時王延更欲多得之法師曰古之達者先存諸己而後存諸人今上不欲廢道教而意則去繁但道貴得人玄綱自振何必多人耶蓋多人則多累反為吾道之玷夫道不欲雜雜則多多則惑惑則亂亂則真理喪矣詎有益哉遂與王延蘇道標程法明周化生王真微史道樂于長文張法成伏道崇等十人以道術相忘同乎出處世號曰田谷十老至隋室道教復振文帝開皇中詔重修二廟精擇羽流累致墨詞以祈景福於是朝野宗奉焉煬帝大業五年三月十七日聽周法師鼓琴乃曰琴聲感神當有神降更奏一曲吾聽之曲未徹奄然返真春秋九十一

于章

法師于章字長文右扶風人年七歲父母教

讀孝經數日乃曰聞有道德經意願習誦父母異之隨其所好令習于侯法師至西魏大統九年披度服巾瓶之勞凡十有四載法師愍之為開三洞衆真要法倒篋相付嘗自謂曰真人符命非俗可傳今吾得之固所寶也於是靜室圖寫雲篆龍章精嚴其事而施之於人靡不神驗適會詔選戒潔之士十人居通道觀而師與焉然常懷希真之心期居幽寂至周靜帝大象二年遂卜觀之下西嶺下誅茅累石嘯詠林泉餌黃精茯苓山地黃又服氣吞符飛章設醮如此精勤歷年無輟隋文帝開皇十七年復受皇化丈人太極真公六十甲子及五帝五嶽符印凡一百三十六首并論天地源流符之本末置壇法式乃錄授符日月及真仙語訣次第記之名為起序由是通真之心與日俱進故除妖翦祟其神變不可量而流俗霑惠日益多矣煬帝大業十年六月十四日羽化春秋八十有二臨窆之日有一白鳥自棺而去人謂得蛇形之道

張法樂

道士張法樂者南陽人幼而學道性悅泉石繞及成童之年託迹樓觀事尹起法師竭誠致力於左右積有歲月感其勤苦遂付道要雷盟之夕神燈發輝慶雲流彩而後巾瓶之奉凡案之勞禮盡始末遂尋幽訪奇卜居於耿谷之西水築茹蔬謝絕人事日誦五千文及修雌一之道煉形養炁抱一守真凡三十載雲生梁棟霞集臆靡人號為雲居觀久而道業已著靈感自通有虎踞躍虺震視之而不畏後乃往來馴伏似有所術人或請謁藪慢無誠心則皆為所逼而不得至旦夕常聞有神鐘聲隱隱於耳然莫測其遠近每齋日有草衣人二十許常送薰陸香及乾菓數枚出戶襲視之遂不見西魏廢帝三年三月謂弟子張通曰我雖幽感奈功德未就近有神告必不久留當委形厚土二百餘年冥事貴密汝可略知至四月十五日清旦凭几而化時有白炁如雲穿牖而出長丈餘食頃方散

巨國珍

巨法師名國珍武功人性淳厚好神仙學年

三十斷俗緣而事游法師於樓觀時隋文帝仁壽之四年也焚修之外口必誦經心常存一名利兩忘喜怒俱遣食蔬水漿所守彌篤或有遺物者隨得隨散或有輕侮者終不志怒法師嘉其行乃授以思微戒錄封召符章

依按而修勤亦備至每臨壇誦經遍未及數則雖冬風夏日未嘗輒廢一日因感疾人勉之以藥曰道勝則疾除何慮之有其自信之如此由是遠近之俗嚮風而至不可勝計春秋六十唐太宗貞觀八年夏五月十三日晝寢門人忽聞車馬之聲有頃瓦屋皆震法師遂化

歷世真仙體道通鑑卷之三十

漢十四

歷世真仙體道通鑑卷之三十一 漢士

浮雲山聖壽宮年宮道士趙道二編修

鍾離權

真人姓鍾離名權後改名覺字寂道號和谷子一號正陽子又號雲房先生燕臺人也云

宋光成陽人曾祖詳於祖詳 父列侯至雲中守道父神源皆漢代著名

府生仙誕之時異光數丈狀若烈火侍衛皆驚真人之相頂圓額廣耳厚肩有長目深鼻聳口方頰大唇臉如丹乳連臂垂如三歲兒晝夜不哭不食第七日躍而有聲曰身遊紫府

名書玉京其音如鐘行如奔馬童稚莫之能

及一云少陵文學仕漢至魏職大夫因表李及聖達事補官江南漢作紀於歷魏仕晉

及壯仕晉為大將統兵出戰西北土蕃兩軍交鋒忽天大雷電風雨晦冥人不相親兩軍不戰自潰

時一云晉武帝時命與備 真人獨騎

奔逃山谷迷失道路夜進深林山澗期以全

生乃遇一胡僧鬚頭拂額體掛單結之水引

行數里到一村莊曰此東華先生成道之所

將軍可以歇泊揖別而退

一云遇一僧人逆指東南廟宇門前見二本青道者遂問此何方也答曰此紫府少陽帝君所居也 真

人未敢驚動莊中良久忽聞人語云此碧眼

胡僧饒舌相撓莊中一老人披白鹿裘扶青

藜杖抗聲前曰來者非大將軍鍾離權否真

人應曰是老人復曰爾何事不寄宿山僧之

所真人聞而大驚心想曰必異人也是時已

失虎狼之感遠有鸞鶴之志不覺回心向道

哀求度世之方於是老人授以長生真訣赤

符玉篆金科靈文金丹火候青龍劍法囑之

勤行真人告辭出門迴顧莊居不見其處自

是領悟玄旨一云自知風有仙骨故擺脫世

緣莫紹仙果首遇上仙王玄甫得長生訣再

遇華陽真人傳太乙刀圭火符內丹洞曉玄

玄之道一云昔軒轅黃帝得金丹秘訣以玉

匣藏於壽春縣東紫金山懸鐘洞真人得遇

師傳之後復遊雲水至魯居鄰城入崆峒於

紫金四皓峯居之遇仙人引入洞獲玉匣秘

訣至德內全遂終妙道

金真傳云真人生於晉朝五月二十日 後有唐進士呂紹先舉

不第乃縱遊天下首於廬山遇大龍真人傳

劍法後於長安道中遇真人題壁間云坐卧